


1635_008.jpg



8 M. DC. XXXV.

Per le Pape Urbain VIII. par l'entremise de Ferdinand II. C'est à dire la foy Catholique de l'Eglise Romaine, expliquée en plusieurs questions; comme s'il vouloit dire ouvertement, que l'on ne peut point esperer de paix en Allemagne, qu'avec la restitution entiere de tous les biens des Catholiques. C'est l'artifice duquel s'est servie la Maison d'Austriche au Traicté de Prague, fait avec les Protestans pour 40. ans: Car quoy que d'abord cette paix semble honteuse à ceux de cette Maison, puis que l'Edict pour la restitution des biens Ecclesiastiques, publié contre les Lutheriens le 6. Mars 1629. y est entierement cassé & aboly, & que l'on leur faict reparation entiere des iniustices dont ils se sont plaints en la Diette de Ratisbonne de l'an 1630. & dans l'assemblée de Leipsic 1631. Neantmoins en effect l'Empereur demeure tousiours le maître de ses ennemis, & qui plus est, il s'establit seul tout-puissant dans l'Empire, puis qu'en autres choses les Royaumes d'Hongrie & de Boheme, luy demeurent hereditaires, & qu'il se reserve la faculté de disposer du College des Electeurs & de la Chambre Imperiale, se donne le commandemēt absolu sur toutes les troupes d'Allemagne, & s'attribuē la connoissance de tous les differens, qui pourroient deormais naistre sur le fait de la Religion concernant le Traicté de Prague: ainsi accordant vne paix de peu d'années aux Lutheriens, il se rend maître de toutes les forces de l'Empire pour en vser à la premiere commodité, comme bon luy semblera. Et pour cela il a exclu dudit Trai-

Et de se rendre maître de toutes les forces de l'Empire.

*été qu
lu trai
qu'aya
bles, i
alliez,
rendre
To
étiquē
fant se
tholique
Saint
Prince
moyen
scauoi
Hesse,
presen
sent qu
le Duc
pos plu
dans vn
de tous
seul, &
guerre
terres de
rableme
ne ruine
N'est
luy seul
avec l'E
ral, & de
dement
taxes & c
luy. Qui*

1635_009.jpg

Histoire de nostre Temps. 9


été quelques Princes moins puissans, & a voulu traiter avec le seul Chef des Protestans, afin qu'ayant ioint à son party les plus considerables, il procurast vne diuision entre le reste des alliez, pour finalement en ruiner le party, & se rendre maistre absolu de l'Empire.

Tous ces artifices ont esté exactement pratiqués au Traicté de Prague, dans lequel faisant semblant de casser la Ligue des Estats Catholiques d'Allemagne, Ils ont sous le nom du Sainct Empire, attiré vne grande partie des Princes de la maison d'Austriche, & par mesme moyen exclus les plus puissans des Protestans, sçauoir les Comtes Palatins, le Landgrau de Hesse, & les Ducs de Wirtemberg, de peur qu'à present qu'ils sont opprimez, ils ne cherchassent quelque secours estranger. C'est ainsi que le Duc de Saxe s'est abusé, car cherchant son repos plustost dans vne paix particuliere, que dans vne amnistie generale, mesprisant l'amitié de tous les Princes pour faire alliance avec vn seul, & pour euitier la guerre, il tasche par vne guerre intestine de porter les armes dans les terres de ses alliez, & se trouue à present miserablement engagé dans vne qui le menace d'vne ruine ineuitable.

N'est-ce pas vne chose estrange de voir, que luy seul contre le consentement de tous, traite avec l'Empereur, & dispose du College Electoral, & de la Chambre Imperiale, du commandement absolu des troupes de l'Empire, & des taxes & contributions de tous les Estats d'ice-luy. Qui est-ce qui luy a donné l'autorité de

*Dangeroù le
Duc de Saxe
expose ses
Estats.*

1635_010.jpg



1635_011.jpg


Histoire de nostre Temps. II

bellion ! S'il a voulu restablir la liberté de l'Allemagne, avec cette ancienne splendeur de l'Empire, pourquoy a-il traité si indignement & exclus de la paix generale tant de Princes & Puissances Souueraines, qui combattent presentement, tant dedans que dehors l'Empire, avec tant de courage pour cette mesme liberté publique !

A toutes ces considerations, il faut adiouster que l'iniure faicte au Comte Palatin, menace tous les autres Estats de l'Empire, & que l'exclusion du premier Prince d'Allemagne, emporte infailliblement la ruine des moindres. Car si ceux de la maison d'Autriche, estans demeurez victorieux n'ont point eu de honte de traiter avec tant d'ignominie le Chef des Electeurs, que se doiuent promettre les autres membres de l'Empire, qui en dignité, puissance, support & alliances des Princes estrangers, luy sont de beaucoup inferieurs. Assurément tous les Protestans, qui embrasseront le party de la Maison d'Autriche, à l'exemple du Duc de Saxe, s'affoibliront & se ruineront eux-mesmes par les forces qu'ils seront obligez d'entretenir pour sa querelle, & ainsi estans desarmez & impuissans, n'auront autre recompense, qu'un tiltre inutile de Commissaire de la Maison d'Autriche : Mais tous ceux qui voudront se soustraire de cette obceissance, & secouier vn joug qu'ils n'ont pas accoustumé, & qui n'auront pas voulu accepter ces articles en fermant les yeux, à l'exemple du Duc de Wirtemberg, seront proscripts comme

L'iniure faicte au Comte Palatin, menace tous les autres Estats de l'Empire.

1635_012.jpg



12 M. DC. XXXV.

criminels de lezeMajesté Imperiale, & dépouil-
lez de tous leurs biens, Estats & patrimoines.
Les villes libres & Imperiales seront données à
des alliez pour les dédommager des frais de la
guerre, ainsi qu'on a faiët de Donauez, Ra-
tisbonne & Ausbourg, ou pour vser d'un mot
plus doux, sous pretexte d'un engagement tem-
porel, seront liurées en vne seruitude perpe-
tuelle.

Il reste maintenant de reciter les iniures fai-
tes aux Princes & Couronnes estrangeres, par
le Traicté ou conspiration de Prague. Et à vray
dire, il n'estoit pas si estrange de voir & racon-
ter les iniustices, qui ont esté faites aux Princes
& aux Estats d'Allemagne, iusques à les auoir
exclus de l'aministie generale, par ce que par
vne esperance trop ardante, ils auoient desia
englouty tous leurs biens & dignitez. Mais
il est extremement absurde & iniurieux à
tous les Princes de l'Europe, d'entendre
que les mesmes personnes, sans auoir égard
à la Majesté des Estats souuerains, ont reiet-
té & exclus de la paix generale, tant de Mo-
narques, Couronnes & Royaumes, qui ne
releuent en rien de l'Empire, & neantmoins
ont vn tres-grand interest à la paix de l'Eur-
ope, & à la liberté commune d'Allemagne:
& que s'estans attribué le pouuoir des an-
ciens Dictateurs, ils ont déclaré vne guerre
immortelle à tous ceux qui ont voulu em-
pescher l'establissement de leur autorité.
Car pour passer sous silence, les interests
du Roy d'Angleterre, de qui les nepueux,

*Ils ont ex-
clus de la
paix gene-
rale les au-
tres Monar-
ques non
sujets à
l'Empire.*

1635_013.jpg

Histoire de nostre Temps. 13

apres tant de vaines esperances, ont esté frustréz & cruellement chasséz de ce qui leur appartenoit par succession : Ceux du Roy de Dannemarch, au fils duquel on auoit osté l'Archeuesché de Breme, avec les Eueschez suffragans, sans connoissance de cause : Ceux des Estats vnis des pais-Bas, ausquels on se propose de faire vne guerre sanglante, lors que les armes des Imperiaux & du Roy d'Espagne seront ioinctes, sous pretexte de remettre l'Allemagne en son ancienne liberté. Cecy ne peut receuoir, ny responce ny excuse, qu'ils ont si honteusement proscripts les Royaumes de France & de Suede, de qui les interests sont ioinctes & communs avec les Protestans, qu'ils les veulent contraindre de faire & executer tout ce qui leur sera prescript par les Espagnols, comme s'ils estoient leurs esclaves, & en cas de refus, les menassent de mettre sur pied vne armée de huiët cens mille hommes, laquelle doit non seulement les ruiner, mais mesme enseuelir leurs noms avec leurs forces & Estats, comme s'ils ne pouuoient obtenir la paix generale, que par la grace & bienveillance de leurs ennemis, & non par leur propre courage & valeur : & comme s'ils deuoient demander humblement la tranquillité publique, & non pas l'establir eux-mesmes par la force de leurs armes. Car pour en parler avec raison, qu'y a-il de plus iniuste ou de moins raisonnable, que de vouloir obliger des Royaumes, lesquels ne despendent ny de l'Empereur, ny de l'Empire, a accepter les condi-

*Puissance
qu'ils se pro-
mettent
auoir pour
ruiner leurs
ennemis.*

1635_014.jpg

14 M. DC. XXXV.

tions d'une paix honteuse, iniurieuse & funeste, pour eux & tous leurs alliez, & de suivre les interets de la maison d'Austriche, & du Duc de Saxe, principalement puis que le Roy de Suede a commencé de faire la guerre aux Imperiaux pour ses interets particuliers, & mesme du commencement contre le gré & la volonté du Duc de Saxe, mais du depuis il l'a continuée, apres avoir vny les Protestans à son party, non pas seulement du consentement du Duc de Saxe apres la bataille de Leipfic, mais mesme ayant pouuoir & autorité de luy, pour faire vn accord & paix generale. Sous quel pretexte veut-il donc aujour'd'huy exclure de ce Traicté les Suedois, lesquels poursuivent la vengeance des torts qu'ils ont receus, maintenant avec plus de raison que iamais ? pourquoy ne veut-il admettre à ceste tranquillité publique ceux qui font la guerre pour leurs interets particuliers, & à leurs despens, & non point priuatiuement à leur seule consideration.

Que si l'exclusion des Suedois d'abord paroist iniuste de soy-mesme, elle ne l'est pas moins par la consideration du Duc de Saxe qui l'a procurée ; car lors que le feu Roy de Suede cherchoit les occasions de se venger des Imperiaux, pour les iniures particulieres qu'ils luy auoient faites : le Duc de Saxe, qui au mesme temps pour d'autres raisons auoit obligé les Protestans à se reuolter contre l'Empereur, estoit assiégé & en estat d'estre perdu à iamais. C'est pourquoy il eut recours aux Suedois, &

1635_015.jpg

Histoire de nostre Temps. 15


par le Traicté de Tergaw l'an mil six cens trente & vn, il confia entierement à leur valeur la fortune & le bon-heur de tous les Euangeliques d'Allemagne : ainsi ayant esté courageusement deliuré du peril qui le menaçoit, d'une contestation particuliere des Suedois, il fit vne cause publique de tous les Protestans, & tourna cette guerre priuée en vne deffense commune de toute l'Allemagne. Que si maintenant au preiudice de son serment, & de son signé, il abandonne desloyalement ses alliez, & se veut concilier l'amitié de ses ennemis par vne coniuration formée avec l'Empereur: les Suedois ne doiuent pas pour cela suiure vn si mauuais exemple, ny renoncer à leurs droicts, & mettre bas honteusement les armes, ains sont obligez par toute raison & equité de venger tousiours leurs premieres querelles, ce qu'ils pourront faire aussi heureusement apres cet infame diorce du Duc de Saxe, comme ils l'ont heureusement fait auant sa malheureuse association.

Causas & raisons de l'entrée du Roy de Suede en Allemagne.

Tant s'en faut donc que le Duc de Saxe en qualité de Dictateur des Protestans, & de Commissaire de la maison d'Austriche, puisse avec son pouuoir & autorité imaginaire, obliger les Suedois à accepter la paix, ou luy-mesme transiger pour eux avec l'Empereur en leur nom, qu'au contraire, quand mesme l'Empereur auroit donné satisfaction & contentement entier sur toutes leurs demandes, ils ne laisseroient pas de faire la guerre au Duc de Saxe, pour tirer vengeance de sa perfidie, de son

Suient qu'ont les Suedois de faire la guerre au Duc de Saxe.

1635_016.jpg



16 M. DC. XXXV.

pariure, & de son ingratitude, par laquelle il a honteusement abandonné ses alliez, violé le droit des gens, & commis toute sorte de lascheté.

Il faut passer maintenant à ce qui est des interets des François, & de cette nation, dont le nom nous tesmoigne assez l'amour qu'ils ont pour la liberté de l'Allemagne. Lesquels par vne resolution iuste & sainte, ayans pris quelque part dans cette guerre commune, ont esté par vne ligue & conspiration, non seulement exclus de la paix generale, mais aussi par vne impieté desraisonnable proscrire comme ennemis de l'Empire, protecteurs des Heretiques, alliez des Turcs, & perturbateurs du repos public de toute l'Europe, & a-on sous pretexte de recouurer la Lorraine, joint toutes les armes d'Allemagne pour les perdre plus facilement. Mais l'origine de cette haine & conspiration n'est autre, sinon qu'en l'année mil six cens trente & vn, apres que le Roy de Suede eust taillé en pieces les troupes de l'Empereur, & de la ligue Catholique d'Allemagne, & porté ses armes victorieuses par tout l'Empire: pour lors l'Empereur estoit dans vne extreme perplexité; le Duc de Baviere en fuite, & le Roy d'Espagne tesmoignoit par son silence sa iuste crainte & apprehension. Cependant le Roy de Suede se rendoit maistre de toutes les meilleures Prouinces & villes de l'Empire, & les affaires des Catholiques estoient en tel estat, que l'on n'en pouuoit esperer qu'une ruine prochaine.

Mais

1635_017.jpg

Histoire de nostre Temps.

17

Mais alors le Roy Tres-Chrestien, qui iusques Le Roy Tres-Chrestien a
ici a tousiours courageusement embrassé les in- Chrestien a
terests des Catholiques contre les Heretiques, tousiours em-
braissé les in-
craignant que cette guerre ciuile n'affoiblist la terefts des
Religion, enuoya ses Ambassadeurs vers le Roy Catholiques
de Suede, par l'entremise desquels il obtint la li- contre les
berté de conscience & l'exercice de la Religion Heretiques.
pour tous ceux qui s'estoient soumis à son
obeissance. Comme aussi ayant par mesme
moyen offert la neutralité aux Princes d'Alle-
magne, sa Majesté deliura par son intercession,
& tira d'une ruine prochaine l'Archeuesché de
Treues, les Eueschez de Spire & de Basle, com-
me aussi plusieurs autres Duchez, Comtez, &
Estats du saint Empire, lesquels elle receut
tous en sa protection: & par vne adresse iu-
ste & sainte elle empescha la perte ineuitable
de la Religion Catholique en Allemagne, dont
elle estoit menacée par les Protestans. En cette
maniere le Roy apres auoir conserué & estably
la foy de ses Ancestres, considerant que plu-
sieurs Princes auoient esté iniustement chassés
par ceux de la maison d'Autriche, plusieurs vil-
les despoüillées de leurs droicts & libertez, ses
voisins, ou opprimez ou menacez du joug des
Espagnols, sa Majesté Tres-Chrestienne ioi-
gnit ses armes avec celles des Suedois, rendit
à plusieurs leurs Estats vsurpez, aux Villes leurs
franchises & leurs Seigneurs naturels, & à l'Em-
pire son ancienne splendeur & dignité, & ainsi
deliura tous ses amis & voisins de l'Esclavage des Espagnols. C'est pour ces actions si viles à
la Religion que les Imperiaux l'ont proscrit, & sa Maieité.

B

Image issue du site mercurefrancois.ehess.fr - Cliché (c) Cécile Soudan